



Broj: 14-11-1266/22  
Vogošća, 12.08.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14 – Prečišćeni tekst, 14/15 i 9/20), Općinski načelnik dana 12.08.2022. godine donio je

**ODLUKU  
O PONIŠTENJU OTVORENOG POSTUPKA NABAVKE - IZVOĐENJA RADOVA NA NABAVCI  
I POSTAVLJANJU VJEŠTAČKE TRAVE NA PRETHODNO PRIPREMLJENU ASFALTNU  
PODLOGU NA NOGOMETNOM TERENU U SVRAKAMA**

**Član 1.**

Poništava se Otvoreni postupak nabavke - Izvođenje radova na nabavci i postavljanju vještačke trave na prethodno pripremljenu asfaltnu podlogu na nogometnom terenu u Svrakama broj: 14-11-1266/22, jer zaprimljene ponude ponuđača "Semagri" d.o.o. Semizovac i „Mavas“ d.o.o. Mrkonjić Grad nisu prihvatljive, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Član 2.**

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.


**OBRAZLOŽENJE**

Općinski načelnik je dana 22.07.2022. godine donio Odluku o pokretanju Otvorenog postupka nabavke - Izvođenje radova na nabavci i postavljanju vještačke trave na prethodno pripremljenu asfaltnu podlogu na nogometnom terenu u Svrakama, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 22.07.2022. godine pod brojem: 1353-1-3-118-3-128/22.

Sažetak Obavještenja o nabavci objavljen je u "Službenom glasniku BiH" broj: 50/22 od 29.07.2022. godine.

Tendersku dokumentaciju sa Portala javnih nabavki BiH je preuzelo 9 (devet) ponuđača. Krajnji rok za dostavu ponuda bio je 11.08.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 11.08.2022. godine.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene dvije ponude i to Semagri" d.o.o. Semizovac, broj int. knjige 298/22, sa ponuđenom ukupnom cijenom nabavke u iznosu od 36.775,20 KM bez uračunatog PDV-a i ponuđača „Mavas“ d.o.o. Mrkonjić Grad, broj int. knjige 304/22, sa ponuđenom ukupnom cijenom nabavke u iznosu od 36.960,00 KM bez uračunatog PDV-a.



Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-1266/22 iz jula 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Semagri" d.o.o. Semizovac ne ispunjava formalno-pravne uslove tražene Tenderskom dokumentacijom i to:

Tačkom 9.8.1.TD je propisano da će ugovorni organ dostaviti na potpis izabranom ponuđaču prijedlog Ugovora i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Ugovora je uključen u Aneks 7. tenderske dokumentacije ("Nacrt"). Ponuđač treba potpisati prijedlog Ugovora i popuniti sve dijelove koji su ostavljeni prazni (Nacrt Ugovora mora biti uredno popunjen, potpisan i ovjeren pečatom ponuđača).

Ponuđač "Semagri" d.o.o. Semizovac je propustio da popuni dijelove koji su ostavljeni prazni u Nacrtu Ugovora član 1., član 2., član 5. i član 19. Nacrta Ugovora (str. 19-22. Ponude), te je na taj način postupio suprotno jasno postavljenom zahtjevu ugovornog organa iz TD. Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-587-8/19 od 28.03.2019. godine.

Ponuda ponuđača „Mavas“ d.o.o. Mrkonjić Grad ne ispunjava formalno-pravne uslove tražene Tenderskom dokumentacijom i to:

Tačkom 7.4.2. TD je propisano da u svrhu dokazivanja ispunjavanja uslova iz tačke 7.4.1. ponuđači su dužni dostaviti spisak izvršenih ugovora u ukupnom iznosu od 37.000,00 KM bez uračunatog PDV-a u posljednjih 5 (pet) godina računajući od dana podnošenja ponude – referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ponuđača „Mavas“ d.o.o. Mrkonjić Grad propustio je da dostavi u sklopu Ponude Spisak izvršenih ugovora – Referenc listu.

Također na str.5.Ponude -Obrazac za cijenu Ponude, Ponuđač „Mavas“ d.o.o. Mrkonjić Grad nije popunio polje određeno za popust. U TD je navedeno da nijedno polje u tabeli ne smije ostati nepopunjeno, čak ako se radi o iznosu 0,00 KM. (str.6)

Zbog prethodno navedenog, a uskladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetne ponude su formalno-pravno neispravne i kao takve nisu prihvatljive za ugovorni organ.

Iz navedenih razloga, Komisija za javne nabavke jednoglasno daje preporuku Općinskom načelniku da donese Odluku o poništenju Otvorenog postupka nabavke - Izvođenje radova na nabavci i postavljanju vještačke trave na prethodno pripremljenu asfaltnu podlogu na nogometnom terenu u Svrakama, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom iljeku:** Ponuđači koji su učestvovali u postupku nabavke mogu radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu/kancelariji za razmatranje žalbi BiH – ul. Vukovarska 10/I Mostar, putem ugovornog organa.

Izradila: Mahira Čolić

Kontrolisala: Melisa Kršo

Dostavljeno:

1. „Semagri“ d.o.o. Semizovac
2. „Mavas“ d.o.o. Mrkonjić Grad
3. Nadležnoj Službi
4. U dosije
5. a/a

e-mail: semari.doo@gmail.com

e-mail: direktor@sportskepodloge.ba

OPĆINSKI NAČELNIK

Edin Smajić